

Was gibts ferr Stroofe!

Letzhie freidaachs sinn merr uffem Stadtfest gewese, moi Fraa unn ich, unn hawwe uns mett ooner Hond om Mitter soim Woistond unn mett de onner Hond on em Woiglas festgehalle. So e Fest iss immer e Geleechenheit, mol widder Flerschemer ze treffe, sunst triffsde se joo nor beim Aldi odder uffem Kerchhof.

Awwer mettem Treffe isses joo nit gedue, merr det joo aach gern e bisje mettenonner schwetze. Dess ging awwer nit, weil die Toreros uff de Bien hawwe so en Krach gemacht, dassde noch nit emol dene ihr Musik geheert host.

Als merr dann de Schorsch in die Rippe gestumpt hott, weil er grad dezu kumme iss, habb ich mich erum gedreht, habb dem Kättche zugenickt und de Schorsch oogemotzt: Konnsde nit Gude sache, du Olwel? Druff kreischter merr ins Ohr: Habb ich joo, awwer du host nix geheert. Hosde Watt in de Ohrn?

Ja, habb ich zurick gekrische, en Haufe Watt.

Moont de Schorsch, ich konnts von soine Lippe ablese: Dann machse mol eraus!

Doo habb ich de Kopp geschittelt unn erst uff moi Ohrn unn dann uff die Bien gedeut unn dess sollt haaße: Kann ich nit, weil die iss dene Musiker, unn ohne en Haufe Watt kenne die nit spille!

Ja, soon Krach iss e Stroof, hotts Kättche gesacht, unn mir all sinn dann e bisje weiter eweck gonge unn dort hosde dich wenigstens in de Lautstärk von Schwerheerische unnerhalle kenne. Unn iwwer was babbelt merr, wenn merr e gut Glas Woi in de Hond hott? Iwwer die Winzer.

Ich sach: Von dene hosde joo in de letzt Zeit nor schlechte Noochrichte geheert. Erst hawwe die Rawe dess Mark aus de Triewe gepickt, dann warn die Woiblätterklauer unnerwegs, unn jetz fonge die Rawe widder oo unn picke nooch de griene Trauwe.

De Schorsch nickt: Die Rawe solle joo bald geschosse werrn. Unn die Kerle mett de Woiblätter, ei die misst merr zwinge, dess gespritzte Zeich selbst ze esse, was glaabder, wie schnell die uffheern dete.

Jetzt hott sichs Kättche oigemischt: Monn, hottse zu ihm Schorsch gesacht, dess waaßde doch, dass die Polizei kooner zwinge derf. Ich hätt doo en onnern Vorschlaach. Ei was ferrn Vorschlaach, habb ich se gefroocht.

Unn doo gibt se zur Antwort: Weil joo nimmi su vill Leit ons Door zum Roigau kumme, weil die Flerschemer Wart dene die gonz Kundschaft ewecknimmt, missde die Kerle oigelade werrn, om Door uff Staatskoste Woi ze drinke.

Ei, ruft de Schorsch, Fraa, dess iss doch koo Stroof.

Doodruff moont dess Kättche gonz trocke: Monchmol schunn.

Eiern Honnes